


五十二

五十二

五十

嘉靖卅八年至四十年



國權

鹽官談遷孺木著

己未嘉靖三十八年

正朔酉朔上不朝嚴嵩奏元日假賜子孫羅膝捧觴宴樂
皆高厚所庇上諭曰觀卿所奏以為勸我之意父子至情
朕豈異於人往歲宮變賴上天恩赦我已世外人矣故別居
西內奉玄修令其母子自為歡聚耳
逮薊鎮保定管糧郎中高光主事劉崇文前巡撫馬九德艾
希淳閑住餘官降調俱侵餉

甲戌前巡撫宣府右僉都御史劉廷臣卒

乙亥吏部大計降斥有差

戊子廣東黃岡倭流劫海陽饒平潮陽惠來

癸巳韓府樂平王偕溥薨

甲午嚴嵩年八十許苑中乘肩輿支伯爵祿賜宴及金幣嵩

辭宴并攜支二俸許之上甚禮嵩而間取獨斷嵩與子世

蕃能得其竅欲有救必順上意極詈之而婉為中上所

不忍其欲排陷必先稱其媿若與密者而冷語中之或觸

上所耻諱致其怒以是寵終卒不能脫威福益廣

乙未湖廣左布政使傅鎮為南京右副都御史提督操江

丙申總督湖廣川貴兵部右侍郎王崇古巡撫遼東右僉都

御史路可由並貪冒被劾削籍

戊戌祀故瑞州知府宋以方於旌忠祠祠祀副使周憲

辛丑巡撫宣府右僉都御史何思疾去

故永嘉良醫王沛起義逐倭戰死柯梅嶺贈太僕寺丞立祠子

叔本廕入監

壬寅南京兵部右侍郎石永為兵部左侍郎兼右僉都御史

總督湖廣川貴軍務

光祿寺卿盧宗哲疾去

募山東民兵三千人戍蘓松常鎮備倭

虜寇甘肅山丹衛守備副千戶謝天賚把總指揮王御劉繼忠百戶黃堂死之

二甲辰陝西布政司右叅政遲鳳翔為右僉都御史巡撫宣府巡撫河南右僉都御史章煥言汴城帶河初河自西來勢本東流邇者南岸傾圮河北岸又復淤澱其泛濫而橫衝固其所也今相度翟家口可穿一大渠殺水勢恐水勢盛渠難獨洩更別挑支河培築隄岸此於計為可久請遣部臣經理之

詔行其議部臣止勿遣

乙巳江西巡撫右僉都御史何遷請調粵兵選府佐或守巡官部領之母為民害否則罪部領官從之

宗臣曰吾民之若客兵甚於盜也夫當事者走千里召外兵擊賊豈不至急民哉及其至乃不肯發一矢徒櫻金而歸也歲費帑金數萬即道途牛酒又半之矣卒乃使其民憂嗟怨歎若覩賊焉嗟乎後之談客兵者慎念哉

丁未巡撫保定右副都御史鄭綱為南京兵部右侍郎已酉署詹事府事吏部右侍郎李璣翰林學士嚴訥主禮闈

辛亥應天府丞喻時為南京太僕寺卿
壬子山東按察使張松為右僉都御史巡撫保定

甲寅總督宣大尚書楊博言三鎮歲中招降千六百四十人
叙功有差

丁巳夜月食

庚申廣東倭流突詔安漳浦

壬戌翰林院編脩張春為侍讀

癸亥衍聖公孔尚賢年幼令入太學

禁伐雁門關北樓諸路樹木蓋障虜騎也

庚午虜把都兒等數萬騎入潘家口渡灤河進三屯營責督

撫官立功自效虜先駐會州屬夷影克哈孩等導之反誑我

欲東犯義院冷口主守不察兵遽東疲於奔命

虜犯延綏清水營鎮北墩

三月丑土魯番天方撒兒馬罕魯迷哈密俱入貢

戊寅南京工部右侍郎王昺巡撫甘肅都御史陳棐各被劾

昺免棐調外

己卯虜自遵化東掠遷安薊州玉田大掠五日乃出

壬午南京光祿寺卿趙貞吉為南京工部右侍郎大理寺右

少卿胡汝霖為右僉都御史巡撫甘肅翰林檢討馮一龍為南京國子司業

丙戌巡撫順天右僉都御史王輪免總督王忬停俸總兵官歐陽安叅將高延齡徐枝等按問

丁亥策貢士蔡茂春等三百二十八人賜丁士美等進士及第出身有差

戊子河南按察使張玘為右僉都御史巡撫順天

廣東蘓羅峒賊沃劫歸善等處惠州通判洪章以御兵敗潰見執尋放還

西寧侯宋大副提督操江

提督京城巡捕署都督僉事李廣為總兵官鎮守薊州永平

山海

故巡撫大同右僉都御史朱笈戍邊笈在鎮不比楊順路楷張鎬及桃松寨事又大忤順因譖之嚴氏立免笈而順楷即

被逮嵩心醜之以楊順等庚寅賚了美等三百三人進士及第出身有差西寧侯

壬辰南京刑部尚書馮岳疾去

癸巳倭犯象山之何冢礮金井等處柵自固海道副使譚綸計

曰此嘗我也令俞大猷率師後繼身先馳之諸將以士疲請

少卿胡汝霖為右僉都御史巡撫甘肅
翰林檢討馬一龍為南京國子司業

丙戌巡撫順天右僉都御史王輪免總督王忬停俸總兵官
歐陽安叅將高延齡徐枝等按問

丁亥策貢士蔡茂春等三百二十八人賜丁士美等進士及第
出身有差

戊子河南按察使張玘為右僉都御史巡撫順天

廣東蘓羅峒賊深劫歸善等處惠州通判洪章以御兵敗潰
見執尋放還

西寧侯宋大副提督操江

提督京城巡捕署都督僉事李廣為總兵官鎮守薊州永平

山海

故巡撫大同右僉都御史朱笈戍邊笈在鎮不比楊順路楷
張鎬及桃松寨事又大忤順因譖之嚴氏立免笈而順楷即

被逮嵩心醜之以楊順爰書株逮誣坐之
庚寅賚美等三百三人進士及第出身有差

壬辰南京刑部尚書馮岳疾去

癸巳倭犯象山之何家瓊金井等處柵自固海道副使譚綸計

曰此嘗我也令俞大猷率師後繼身先馳之諸將以士疲請

休綸曰賊易我宜出^其不意進兵馬岡賊繼至五百人移兵先擊之賊敗走明日綸搗何冢斃賊殊死戰我奇兵間出賊後破之斬七十二級賊攻樂清圍柘渚綸追之不及回軍松門衛入門度賊夜至可悉軍通達備巷戰丁夜賊千人襲西門縱火綸擊斬其酋乃退綸尾之度且出金清閘鑿二舟塞之賊至欲起塞舟綸偃旗使斬可成詐為新城老人遺賊書輸千金賊乃不起塞舟明日綸出南門力戰擒斬千人餘賊遁海去

甲午孫世忠嗣懷寧侯

增宣府分巡僉事

胡宗憲劾總兵官俞大猷叅將黎鵬舉擊柯梅倭不力釀害

下大猷鵬舉於巡按御史逮入京柯梅之遁實宗憲意閩人

謂宗憲嫁禍故委罪大猷自飾

乙未祠故少傅禮部尚書胡濙從其孫光祿寺丞願之請

戊戌上禱雨雷宮

己亥浙直副總兵署都指揮僉事盧鏜為署都督僉事總兵

官鎮守浙直署都督僉事李琦提督京城巡捕

庚子南京右都御史蔡雲程為南京刑部尚書

兵部署郎中唐順之為太僕寺少卿
辛丑雨群臣表賀

倭掠崇明

四 朔寅朔倭數百艘轉掠揚州賊初利江南富厚獨王直知淮
揚多大賈始浸尋於江北每至屬厭而去巡撫李遂素有略
閱兵通州聞之即赴泰州以副使劉景韶兵扼如皋

丙午 裕王長子翊鉞薨禮部議祭七壇請名并改稱世子

喪禮減半行

新倭大至攻福寧陷福安教諭績溪程箕訓導海陽謝君錫

守西門死之其長樂福清俱患倭閩廣俱擾

提督兩廣兵部右侍郎王鈞為南京右都御史

蘓松叅將劉顯為副總兵協守浙直

江北倭知如皋有備趨通州副總兵鄧城禦之敗績指揮使
張谷死之失四百餘人倭進據白蒲鎮李遂曰賊過如皋由
黃橋泰興犯瓜儀則阻漕留都動搖若驅之海安以北沿海
東出無能為矣盛集兵泰州賊乃出富安遂馳淮安約諸將
搗廟灣賊巢賊分衆一由西亭一由白蒲丁堰以牽我遂曰
丁堰西亭二賊景韶足辦矣必我也當大敵騎而趨淮安倭

犯丁堰毛兵敗績千戶李良呂忠戰沒

庚戌鄭府東垣王厚燭薨

貴州巡撫右副都御史高翀平普安亂卒初普安衛安南所屯軍李昂聚劫七年卒是就擒

辛亥北洋倭二十餘艘副總兵盧鏜巡海急攻之斬百二十三級擒一人倭入三沙不出

壬子南京兵部右侍郎鄭燭改兵部右侍郎兼右僉都御史提督兩廣軍務

太原募兵李廷甫等殺叅將高鵬劫係獄都指揮畢文作亂文不從被殺大掠走屯西山指揮鄭印勒兵擒廷甫餘走虜

癸丑翰林編脩楊名卒

甲寅新倭自福寧連江羅源涿劫懷安閩縣合攻福州不克環而守之是日叅將黎鵬舉擊倭海中七星山斬六十七級

擒六十八人

丁巳巡撫陝西右僉都御史殷學為南京兵部右侍郎

免刑部左侍郎楊大章李本幼師也父引疾上令緹
校醫官診視云真疾特去之大章闕冗貪鄙戀位蒙斥士論
快之

胡宗憲薦唐順之文武才第權輕不足展布宜起用復進通
政司通政協贊浙直兵務

江北倭以海道副使劉景韶連敗之丁堰如皋海安共斬百
餘級至是聚衆西犯揚州景韶率游擊卞陞擊斬八十級焚
百七十九人賊奔潘家庄盡銳攻之斬百二十八級

樂安王拱權薨

刑部右侍郎趙大佑為左侍郎漕運總督右副都御史傅頤
為刑部右侍郎

庚申廟灣倭合攻淮安巡撫李遂率參將曹克新等禦之姚
家蕩破之斬四百七十八級奔姚家庄火攻之死二百七十
餘人奔陳家庄追斬七十四級餘退保廟灣

癸亥定遠侯鄧祖錫卒

丙寅巡撫河南右僉都御史章煥為右副都御史總督漕運
陝西左布政使郭乾為右副都御史巡撫陝西
海道副使劉景韶擊倭於印庄斬四十五級次日戰新洲斬

七十八級奔新河口民家火攻之斬二百十六級殲焉而江北涿倭殄矣惟廟灣倭固守不出官兵環攻之

丁卯逮江北副總兵鄧城叅將朱仁入京

五劫申朔江北兵攻廟灣倭斬四十餘級我兵死傷相當巡撫

李遂計斷道圍困之日久乏食可全克也右通政唐順之謂

玩寇自探甲持矛進兵大敗計未可卒破乃駕言經略三沙

倭南去

癸酉誅虜呼素大力赤等以窺大同邊堡被擒

丁丑山東^西左布政使張永明為右副都御史巡撫河南山東左

布政翁大立為右副都御史巡撫應天

戊寅倭圍福州匝月始解

辛巳巡按直隸監察御史方輅劾總督薊遼侍郎王忬調度

失策逮入京改總督宣大山西兵部尚書楊博代之初唐順

之行邊嚴嵩酒之曰此王中丞物惜官不相及也順之遂劾

忬語特甚世蕃刑其草止存一卒不練等語奪俸俟後命忬

懼求輅露章冀譴去不謂聖怒由此不釋也

壬午倭陷永福

癸未福建浯嶼倭經歲至是遁復移南澳屋居

甲申巡撫保定右僉都御史張松為右副都御史總督宣大

山西

歐陽安高廷齡等論死繫獄

乙酉福建山盜突劫永安泰寧龍巖歸化守臣勦平之

游擊將軍邱陞為叅將分守揚州

丙戌裁山西冗官

丁亥增大同府同知二理宣大屯政

己丑南京太常寺卿林庭機為南京工部右侍郎南京太僕

寺卿喻時為右僉都御史巡撫保定

崇明三沙倭踵至官軍邀擊之斬百餘級

甲午南京翰林院侍讀學士余元三為南京太常寺卿

廟灣倭久困不出副使劉景韶逼壘而陣載葦焚其舟倭宵

遁

刑部尚書鄭曉擬王忬忒邊中軍游擊張倫棄市 上加忬

罪手批曰諸將皆斬指揮出令者却不治是何法律於是論

死

丙申福州倭出梅花洋叅將尹鳳等擊斬百有七級擒九人

己亥福建出海倭回泊澳頭

有倭二十五艘抵朝鮮國王李峘遣將殲之獲漢民掠者三百六人內竊導陳得等十六人尋遣禮曹參判尹毅中賀冬至併致之

六月寅夕雨工禱於洪應雷宮

裁登萊管糧通判改注於濟南兗州

癸卯右春坊右中允署國子司業高儀為南京翰林院侍講學士

甲辰存問真人恭誠伯陶仲文年踰八十子世恩改太常寺丞無道

錄司右演法

乙巳虜黃台吉數萬騎突犯大同弘賜鎮川等堡侵宣府陷西安驛堡殺掠決旬土民禦之斬三十三級損官軍四十七人丁巳出塞

辛亥延綏入衛兵專屬昌平總兵

甲寅戶部尚書賈應春致仕召南京戶部尚書馬坤於戶部丁巳倭出梅花洋參將尹鳳追斬百二十餘級於橫山擒三十二人

前工部尚書署通政司事鄭紳卒贈太子少保

戊午楊博定薊鎮兵備畫地分守

己未虜自大同鎮川堡入掠宣府東西二城旬日會火而遁
去

甲子左府帶俸長寧伯周大經卒

丙寅雷震奉先殿外垣

七廟午朔戶部左侍郎蔡克廉為南京戶部尚書

虜數萬騎由麻峪口寇懷來保安游擊將軍董國忠引兵馳
逐之以無援敗死師殲焉

開宣大荒田水利

命太倉銀庫出入兩月一進揭具覽

癸酉金星晝見

前南京禮部尚書閔如霖卒如霖烏程人嘉靖壬辰進士館

選授編修歷右中允左諭德侍讀學士後以吏部侍郎撰玄

失工者南遷尋罷醇謹有文疑同鄉學士董份隔之也

乙亥故翰林脩撰楊慎卒於永昌年七十二隆慶初贈光祿

寺少卿天啓初謚文憲

凌迪知曰慎以卓絕之才弘博之學誦漢南端居深省發

憤著書神熒理解垂文表義竟坎墮終其身哀哉

何喬遠曰楊少師所憂夏魯奇武臣也戎籍乎輔以中庸

十八篇所謂追王太王王季者也太禮之祀矣予友滇中
劉文徵嘗令新都為予言至用脩家觀其書朱黃手澤識
以年月不翅充棟於戲此其家之子雲也

趙貞吉曰升庵公已久其遺文可以留百代之名矣古之
上士探性命之際悟法身以上事其次風節文章炳、煥
使名聞於後代亦足矣此公已得其次高出尋常萬倍

也

丙子兵部右侍郎劉采為戶部左侍郎

辛巳應天地震有聲

壬午改南京兵部右侍郎殷尚學協理戎政

甲申復設陝西撫治商洛右叅議

丙戌三沙倭突登海門七里港

戊子科給事中羅嘉賓御史龐尚鵬核浙直邊費於是胡

宗憲被劾策勵供職諸將各治罪

復設永平遵化二守備

甲午神機營副將署都督僉事趙應總兵鎮寧夏

海門倭趨揚州副使劉景韶叅將邱陞戰於鄧家庄斬六十

九級走仲家庄火攻之斬二百八十餘級甯通

戊戌官兵追倭於鍋團叅將卞陞輕騎先進賊併戰陞馬蹶
被殺已我兵大至賊走陞偏頭關人山西驍將江北之捷皆
其力屢勝輕戰諸軍無不惜之

林縣妖人李過新以^白蓮教惑人百戶孫祿約內應知縣方民
懷預脩賊夜薄城已勒民列守賊遁獲之孫祿自殺初縣東
南四十五里羊兒池周四畝深丈有六尺相傳池水清邑有

兵是年水清

八朝亥巡撫鳳陽右僉都御史李遂獻白兔二告廟止賀
甲寅夜月食雲陰不見

丁巳陝西山丹衛天鼓鳴

己未江北倭自鄧庄敗後沿海覓舟不得我軍急擊之劉家
橋白駒塢俱捷會雨走劉家庄就食我圍之胡宗憲遣副總
兵劉顯以銳卒千餘人來援江北兵懼奪其功李遂檄江北
兵盡屬之顯先登陷堅斬二百十四級賊走白駒塢又敗之
斬四百餘級賊殫盡

壬戌翰林檢討晁琰為脩撰

賜嚴嵩京邸堂曰忠正南昌樓曰賢翰堂曰耆德

癸亥巡撫鳳陽右僉都御史李遂為南京兵部右侍郎

翰林侍讀學士秦鳴雷為南京國子祭酒

甲子遼東饑發六萬金召糴輸運三萬金措給牛種仍借太

倉粟五萬石賑之

裕王世子羽絨葬西山

乙丑前刑部尚書何鰲卒鰲山陰尚書詔子正德丁丑進士

授工部主事諫南巡嘉靖初議禮俱被杖歷郎中籓臬撫山

山東至前官清正直諒有古大臣風贈太子少保

虜寇順聖東西二川至于蔚州掠人畜數萬官軍竟避其鋒

不戰也

虜犯土木

九朔已朔閱視浙直軍情右通政唐順之為右僉都御史巡撫

鳳陽

庚午薊州總兵官李廣劾免

壬申大同總兵官張承勛移薊州

甲戌漢授沈寅陳所學曾濂趙灼楊銓江一川王楷馬出圖周京

胡應嘉喬光大李璉陳懋觀張鳴瑞侯廷柱曾廷芝樊倣為

給事中鮑承履張科劉行素溫如璋董學馬文健耿向定張

瞻趙時濟王宗徐查光述王得春劉志伊袁淳陳聯芳徐燿

陳旌黃紀潘清曾王繼成祝乾壽王諍蔡完楊衍慶陳紀林
潤為試監察御史銓出圖京行素時齊潤宗徐並南京
乙亥賑兩淮貧竈六萬五千六百餘人
丙子宣府副總兵劉漢為署都督僉事總兵官鎮守大同
戊子翰林脩撰晁瑛為司經局洗馬署國子司業

庚寅建昌副總兵都督僉事馬芳改宣府

辛卯前刑部劉訥卒訥河南鄆陵人尚書璟之子正德丁丑進士

授寧國推官署蕪湖縣南巡苛索下詔獄上初復官拜御

史歷前官執爭王聯獄被譴年七十七

虜犯宣府洗馬林蔚州游擊董國忠等敗沒

十戌戌朔前南京工部左侍郎程文德卒文德字舜敷永康人

嘉靖己丑進士授編脩坐同官楊名論太宰汪鋐下獄謫信

宜典史歷兵部主事即中廣東副使南祭酒至歷吏部左侍

郎撰玄不稱旨改前秩踈謝削籍素講學有儒行好談當世

之務率迂濶難行比卒遺橐蕭然後贈禮部尚書謚文恭

設廣東廣寧縣隸肇慶

免順天河間保定永平大同水災田租

己亥沂州地震

甲辰免蕪松旱災田租仍賑之

丙午浙江左布政使陳仕賢為右副都御史巡撫湖廣

免杭湖嘉興金華旱災田租

壬子封翊銘洛川王載垓襄邑王載堂廣安王勤煇內鄉王

載環安東王載坑野城王載堦阜平王載壤銅陵王宙祭湯

陰王鼎鈞新寧王翊鐵棠邑王翊鏢利津王載壅泰安王載

墉遂昌王載瑞嘉定王載塽景寧王表相西河王理坦保定

王翊鉉穀城王

丙辰免福州興化災傷田租

虜犯遼東游擊賈冕戰死贈都督僉事

戊午故溫州同知黃釗贈浙江布政司右叅議

免遼東災傷屯租

己未宮人楊氏卒追封常嬪

癸亥浙江按察副使劉景韶為浙江按察使仍防淮揚

贈卹陞都督同知世指揮僉事立祠定有功死為上亡功死

次之不幸又次之失機死奪爵

大玄都殿成

乙丑召楊博回部起許論兵部尚書兼左副都御史總督薊

遼

十一月丙子命宋儒朱熹婺源裔孫授五經博士與建安並世襲

丁丑宮人張氏卒追封常嬪

巡撫應天右副都御史翁大立好功銳事蘓州悍少年素武斷誑詐一二百橫里中大立痛治之因糾黨夜持刀斧劫郡縣獄攻入行臺大立踰垣走廨舍勅諭符幟俱燬知府王道行督捕乃斬閩出葑門逃太湖僅搜獲二十餘人

戊寅巡撫福建都御史王詢疾去

壬午浙江左布政使吳桂芳為右僉都御史巡撫福建

丁亥諭祭故貴州右叅議王重光

丙申四川小河守禦千戶所地震聲如雷

誅王直於寧波宥葉宗滿王汝賢戍邊直繫獄二年嚴嵩入其賂將議釋廷議謂戎首也誅之妻子給功臣家

談遷曰胡宗憲許王直以不死其後異論洶、遂不敢堅請假宥王直便宜制海上則岑港柯梅之師可無經歲而閩廣江此亦不至頓甲苦戰也文吏持刀筆輕擬人後疇能以度外行事自蹈不測哉

丁酉復故翟鑿禮部尚書謹身殿大學士從其子汝忠請

前翰林待詔文徵明卒徵明長洲人歲貢生行謹淳篤不專以文藝名天下重之

王世貞曰吳中人於詩述徐禎卿書述祝允明畫則唐寅彼自以專技精誼哉則皆文先生友也而皆用前死故不能當文先生人不可以無年信乎文先生蓋兼之也先生晚而吳中人以恭肅公希周並稱夫朱公者物不見長人也何以得此聲先生哉亦可思矣

十仁庚子 止禱雪內殿夕雪 上悅群臣表賀

乙巳提督操江右副都御史傅鎮疾去

韓府慶陽王謨整薨

戊申巡撫福建右僉都御史喻時為南京右僉都御史操督

操江

庚戌太子太保兵部尚書楊博回部辭兼左副都御史

癸丑巡撫山西右僉都御史葛縉移保定

免金鄉魚臺曹單水災田租

丙辰宋儒程頤二十代孫宗益襲五經博士

己未總督宣大山西右副都御史張松言邊務未云守邊要

務莫先保寨虜犯蔚州大照堡壯士龐鐸捐貲率衆抗之堡

賴以全又擊死數賊收虜箭約二車虜急攻欲得之鐸悉脫
鏃中斷之投堡外乃引去乞給冠帶令守堡以風示塞下從
之

庚申山西左布政使孟淮為右副都御史巡撫山西浙江按
察使劉燾為右僉都御史巡撫福建

翰林院編脩汪鏜孫為侍讀
增金山衛游擊將軍

癸亥虜災免遵化玉田薊州豐潤屯租

甲子前南京國子祭酒沈坤為國子祭酒

庚申嘉靖三十九年

正月朔 上不朝

庚辰寧夏地震

丙戌虜犯宣府洗馬林等堡副總兵馬芳拒卻之

福餘衛夷長李羅等入市開原索賞不遂夜殺哨卒而遁

庚寅金星晝見三日

辛卯盜夜入泰興縣劫庫殺人

壬辰吏科給事中胡嘉^應上四事端士習敦節儉公銓法慎舉

薦 上是之

二月亥增懷柔永平兵備二副使

庚子福寧桐山倭自前岐突犯泰順莒岡

江北倭未平設狼山水兵把總曹沂民兵把總城海安鎮
癸卯寧夏地震有聲

更定浙東信地台金嚴兵備道叅將一寧紹兵備道叅將一
溫處衢兵備道叅將一

甲辰叙擒王五功進胡宗憲太子太保左都御史兼兵部右
侍郎總督如故詹錦衣衛副千戶總兵盧鏜俞大猷叅將戚
繼光都指揮戴冲霄等俱准贖指揮夏正贈都指揮使詹正

千戶餘陞賞有差

乙巳脩京城

復設南贛叅將駐會昌

丁未徙山西慶成永和王府於閩內前散居汾州鄉間

高士陳善道進清微嚴演教崇真衛道真人領京城道教

壬子福建提學副使宗臣卒揚州興化人庚戌進士

王世貞曰君於詩好建安及李白杜甫於文好司馬遷北
地李夢陽然自以其才氣勝之不屑取似也其橫厲雄
邁莫可得而羈致寧瑕而壁寧蹶而千里卒於論說千古

成敗慷慨擊節寧為祥母寧為嬪此豈局踏轅下老土壤者哉

丁巳晉府慶成王表樂堯謚恭裕

南京振武營兵變殺督儲戶部右侍郎黃懋官舊營軍有婦

餉一石餼者減十之四春秋仲月石粟折五錢前尚書馬坤

奏折四錢諸軍始忿懣官又刻削停婦糧尚書蔡克蕪疾不

事事歲大侵米石八錢求復原折不得兵部尚書張整方閱

軍大譁迫懋官私邸踰垣走擊殺於市脅整犒師誠意伯劉

世延力諭之稍戢明日諸臣會內守備廳侍郎李遂揚言曰

黃侍郎自踰垣死若不宜辱耳麾之退殊賞叱曰餉額可復

賞不可得乃人給一金而散

前春坊左中允郭希顏廢久馳跡立儲曰往歲聖諭欲建帝

立儲皇上誠欲立儲莫若安儲何者君相相信則儲安兄弟相保

則儲安父子相體則儲安相信有道釋疑是也相保有道分

封是也相體有道總攬是也何謂釋疑 皇上至愛莫如二

王至重莫如元輔其為憐何疑也自言者倡為二王面陳嚴嵩之說恐二王

與嵩皆疑而不自安 皇上何不降德音諭元輔以益加忠

謹不必疑於王論二王以母忘恭敬則君相相信儲可得安也何謂分封

二王同處京府智與年長則崇高所共欲防不預設則隙之所由萌聖明早斷及時勅景王就國周其銜翼殊其寵數於制於情似為兩盡則兄弟相保而儲可得安也何謂總攬大時四部多一日萬幾天意人心莫不願大聖人萬年垂拱若曰儲宮即京府獨處尤宜親就儒賢涵養冲資切劇於仁孝之途分封既定留京已明願 皇上端拱以順天人從容而議建立則父子相體而儲可得安也內外各守屏翰彼此永無猜防宮中問省之箋不時而進麾下富貴之想奚自而生此安儲之上計而今日之先急也疏上嚴嵩雖恨希顏未測上旨請下

禮部

上怒

下廷議

給事中

藍璧等

奏

其怨望

傾險大逆不

道法司擬妖言惑眾律下巡按御史斬之傳首四方希顏方

宴客妻子不及訣希顏字仲愚豐城人壬辰進士跡上有立

儲無建帝語嚴世蕃磨飾激 上怒也

徐學謨曰實錄云是時 東宮雖未正位然 上已知人

情所屬定議分封希顏無故發憤於片言之間別疏君臣

父子兄弟自古邪臣以死博功名未有如希顏者也希顏

初倡四親廟議為公論所絀及既罷猶爭之至再 上輒

優容之希顏因自謂身雖廢退可以危言奇計徵幸大功

論者謂祖宗列聖神靈陰藉其口而降之罰非不幸也
後乃追議卹錄濫矣按史臣評駁其論雖正而稍褻苛
刻希顏始建四廟之議既遭廢退不無恨於嚴嵩故借安
儲之說以危上冀一中之其愚已甚上既誅希顏而
出封景王國本遂定則希顏固有功於穆廟者其亦

可比於晁錯之請削六國乎

已湖廣未竹谿縣地震有聲民家地出血

賑順天永平水災粟二萬五千石

倭六千餘人誅劫潮州

南京右府誠意伯廖世延疏復軍餘替役收糧蓋兵部尚書

張鑿所革者也延陰署魏國公徐鵬舉等名鵬舉自辨世延

坐免

甲子故遼陽游擊賈冕贈都督僉事海州戰死

揚州兵亂走儀真掠舟將入海右僉都御史唐順之討之定

三劫申故太常寺卿署國子祭酒教銑贈禮部右侍郎

甲戌初給事中郭汝霖行人李際春使琉球未發而貢使正

議大夫蔡廷會稱受世子命以海道叵測請如正德中封占

城故事自晉詔不煩天使禮部執不可從之

乙亥南京戶部尚書蔡克蕪兵部尚書張鏊臨淮侯李庭竹
前戶部尚書馮坤俱劾免戶部員外郎方攸躋主事安謙制
籍捕亂卒首禍者

丙子左副都御史鄢懋卿清理淮浙山東長蘆鹽法

戊寅南京山東道監察御史林潤等劾國子祭酒沈坤居鄉

暴酷裁胡鑾手糾衆防倭擅殺不智為敗年抽引逼人私鹽圍奪人產遂削坤籍

逮入京坤跌宕負氣不諧里黨倭患作倡鄉兵稍犯輒榜笞

之多怨而給事中胡應嘉仇坤布派謠構之於潤俱無指實

所裁胡鑾手固亡恙也他皆類此坤竟獄死士論寃之

己卯兵部左侍郎江東為戶部尚書戶部左侍郎劉采為南

京戶部尚書總理河道右副都御史王廷為南京戶部右侍

郎

庚辰增惠潮叅將駐揭陽移潮州捕盜通判於黃岡鎮

壬午總督倉場戶部右侍郎高耀為左侍郎南京太僕寺卿

林應亮為右副都御史總理河道

癸未購五色芝

廣東香山地震聲如雷

大同總兵官劉漢出鎮河堡搗虜於灰河斬二十一級時虜

聚喜峰塞外窺薊鎮漢乘虛出塞以牽之果狼狽而西自多
事來我兵積怯虜嘗留巢並塞無敢出問漢創為之各鎮往
往來隙虜稍遠徙其幕

乙酉勅監察御史陳旌往陝西甘肅延寧溫如璋往山西宣
大雁門各脩舉屯牧

丙戌太子太保禮部尚書顧可學省墓

巡撫遼東右僉都御史侯汝諒言遼陽饑宜開山東登萊直
隸天津二海道轉粟賑濟臣以為難臣復按視天津入遼之
路從海口發舟抵右屯沙河堡不及二百里可達遼陽皆內

地無虞登萊與島夷相直雖未易議然大要在得人則自能
權利害輕重亡後患今天津已造舟開運可令米商貿販以
濟窮邊山海關運道水陸聽其自便登萊海禁已通其令山
東遼陽民各具舟給引自遷有司毋或阻撓輒取稅第嚴察
非常扼島夷內入之路而已從之

行各撫按官嚴課守令限即月奏處惡其貪殘害民也
丁亥畿內饑命戶部詳議賑濟

虜五萬餘騎陷廣寧中前所殺百戶武守爵黃廷勛
戊子虜把都兒等受等數萬騎寇一片石等關叅將佟登等

拒卻之

己丑大理寺卿馮森為戶部右侍郎總督倉場督理西苑農
事翰林侍讀學士高拱為太常寺卿署國子祭酒

吏部尚書吳鵬滿六年考進太子太保兵部右侍郎閔照為
左侍郎總督三邊兵部右侍郎魏謙吉回部

前兵部左侍郎張珩卒珩石州人正德辛巳進士拜御史講
官缺或薦入翰林力辭不就器識宏遠歷總督陝西多首功

出延綏失事成慶陽復起家延綏至前官贈工部尚書謚襄
敏

倭由南臺寇福州巡撫右僉都御史劉燾新至素有威名善
騎射令開城門往來不禁親率死士千餘邀賊閩安鎮手發

三矢斃三酋賊大奔潰赴水死者已集
壬辰翰林侍讀張春直裕王講讀

初雲南緬酋莽達刺以先世紀歲為孟密土官思真與孟養土
夷思倫所殺因思真子爭立假道攻孟養欲報之又侵孟密

事聞宣諭之

乙未巡撫應天右副都御史翁大立劾免

談遷曰開府建節其任艱且鉅矣亡論折衝境外卧榻之

側無賴少年不過飲博偷竊之徒曾不能詰捕輕其身踰垣棄符勒安所問鎖鑰哉世廟號嚴馭而大立僅放歸田間亦徵天之偉矣

四朝申朔巡撫鳳陽右僉都御史唐順之卒順之字應德武進人已丑禮闈第一成進士館選授兵部主事壬辰改編脩庶子工書削籍屏居十餘年力為矯抗晚由嚴氏起兵部主事不二年至今官博學練達文足名家所著荆川文集史纂左編文編雜編左氏始末等書行世

史臣曰順之本文士使獲用其所長於石渠金馬之地其著作潤色必有可觀者乃以過才自詭既假以致身遂不為自量忘其為非欲以武功自見盡暴其短為天下笑云

沈德符曰唐荆川之學行亦可謂通天地人三才矣海內仰之如麟鳳晚年一出大不副人望其撫淮揚正值倭難積勞中暈盡瘁軍中終無尺寸之效天下有殷浩房琯之疑焉至以偉臣趙文華所薦議之則過矣

馮時可曰戊己之際天子側席虞魁蒼生且日就塗炭而尚得高臥置之漠然乎世或以出疑先生然先生鍊性治身羔皮馬革不席榮不甘肥又何疑其出自先生後天

下益波漢或徹藩踰檢而語心體猶傲然自謂得玄珠嗚呼
安能起先生一挽之哉

何喬遠曰唐順之趙時春二子銳然欲見功反為世所指
孔子與懼事成謀之士信然矣

丁酉江西布政司左叅政方廉為右僉都御史總理糧儲提
督軍務兼巡撫應天陝西巡撫右副都御史郭乾總督陝西

三邊軍務撫治鄖陽右僉都御史劉學易為大理寺卿
武定侯郭守乾卒

己亥戶部尚書江東改太子太保南京兵部尚書

罷宣大總督右副都御史張松上以松非其才保定巡撫

右僉都御史葛縉為左副都御史總督宣大

壬寅南京兵部右侍郎李遂密捕叛卒論死三人戍二十二
人遂尋以計悉斃之軍中始定時以留都重地戕殺大臣竟

姑息不盡問非法也

甲辰戶部左侍郎高耀為戶部尚書

巡撫延綏右僉都御史董威湖廣陝西左布政使谷嶠程軌
並為右副都御史威巡撫保定兼提督紫荆關嶠提督撫治

鄖陽軌巡撫陝西

辛亥雲南道監察御史耿定向劾吏部尚書吳鵬納賄凡六
事首及其壻翰林學士董份各跡辨不允

徐學謨曰吳鵬先為兩司時頗有清謹之譽已為漕運為
司空寢不速前矣比及吏部瀾倒尤甚唯唯、作嚴氏奴
僕耳而子紹以白衣營竊科第則又欺天罔人之極而定
向既露白簡尚懷投鼠忌器之嫌終無一言及嚴氏蓋君
子而未仁者乎
壬子增大同邊堡
賑順天永平饑民

甲寅總督湖廣川貴兵部右侍郎石永為戶部左侍郎

罷刑部尚書鄭曉初直隸巡按御史鄭存仁請裁定律例以

一法守禁民凡越訴凡法司擅受民詞郡縣不得輒發曉謂律有

停囚待對之條會典亦載近京犯得聽法問理侍郎趙大祐等劾存仁侵官存仁辨律自下而

上論曉等欺罔下院科議之曉等疏辨上以院科未奏遽

續辦前者亂軍未減跡無一字避退雖曰執法終是自尊乃斥

曉降侍郎趙大祐傳頤俸二級命自今外訟屬有司京訟屬

刑部存仁狂罔貪黷其論曉蓋承嚴氏指也

談遷曰執法大臣貴得其平鄭端簡司刑非錚、其人乎

而宥既鷄失之輕成朱笈失之重國史不免微文則柄相
搖奪雖賢者無以自全也

乙卯追謚岳王厚熙曰懷睿皇帝長子 上九也

丁巳大理寺左寺丞孫慎為右僉都御史巡撫延綏

復設南京提督糧儲都御史改督漕右副都御史章煥為之

前南京兵部尚書湛希水卒若水增城人弘治乙丑進士好

講學主體認天理自然為本體勿忘勿助為工夫大率王守

仁陳獻章餘吐也嗜財色嬖妾數十人美計雞豚秋毫不爽

年九十 孫壽魯乞卹典吏部覆其學行醇正輿望所歸

上以偽學亂真昔為禮部叅劾此奏浮詞夸譽其以狀對於

是尚書歐陽必進奪少保侍郎張永明俸奪隆慶初贈太子

少保謚文簡

方沆曰增城講學究竟不越隨處體認天理六字憶垂髫

時侍先君宦游嶺海曾過湛翁釣臺里居棹楔若曰天閑

其軒廡不帶宮闕舟人指示予為海上逋逃數云計增城

距順德二三百里而遙嘗有八十翁湛某以名刺為四方

徵惠則益宅拓畝故廣且饒鄉人貴人云然或有指耳

戊午勅勉靖江王邦寧邦寧先與宗室爭被切責諸宗遂肆

害士民守臣不能制乃褒勉之令治宗室如故
己未浙江按察使劉景韶為右僉都御史巡撫鳳陽

虜犯遼東廣寧大掠

庚申嘉興地再震五月辛卯又震

辛酉巡撫四川右副都御史黃光昇為兵部右侍郎兼右僉

都御史總督湖廣川貴軍務

套虜都刺兒台吉等寇寧夏河東將趨靈州總督魏謙吉總

兵趙應禦之斬六十二級虜遁

甲子巡撫江西右僉都御史何遷四川左布政使羅崇奎並

右副都御史遷總督漕運崇奎巡撫四川

是月平涼華亭縣蝗蝻食麥尋旱

五胡辰翰林編脩張居正為右春坊右中允署國子司業

江西左布政使張元冲為右副都御史巡撫江西

己巳宮人于氏卒追封宜妃

辛未周府應城王睦植薨謚恭穆

甲戌初四川東川軍民府土官祿慶死子佐幼妻定安氏攝

部事營長阿得章頗擅權得罪走武定州見殺子阿堂奔水

西糾衆入東川因安民奪其印貴州宣慰使安萬銓攻阿堂

破之其妻走霑益州尋見殺堂怨霑益土官安九鼎時相攻
訟於朝下撫按訊問去年八月堂服罪願獻印還霑益侵地
時祿佐及弟僕俱死堂幼子詭為祿哲當襲不納印又攻九
鼎巡撫右副都御史游居敬謂堂怙亂議討

乙亥胡宗憲請定節制禮儀視三邊例 上嘉其任事進兵
部尚書兼右都御史悉從所請

協理京營戎政兵部右侍郎殷尚學引疾被劾削籍南京兵
部右侍郎李遂改兵部協理京營戎政

丁丑增整飭應天太平寧國徽廣德兵備副使兼布政司叅

議督蘓松等糧儲係銜浙江

戊寅河南撫按劾伊王典橫不法命禮科給事中龔情按之

己卯湖廣淑浦縣徭賊平

壬午兵部左侍郎閔煦為刑部尚書巡撫山東右副都御史

丁以忠為南京兵部右侍郎

翰林編脩王學顏姜寶為廣東四川提學僉事

丁亥協理京營右侍郎李遂為左侍郎山東左布政使朱衡

為右副都御史巡撫山東

戊子旌慶成王府故鎮國將軍奇添夫人王氏節孝奇添卒

時夫人年甚少事育勞瘁至是年八十
御史沈陽戶部郎中張大化清理畿內莊田入官二千五百
二十九頃有奇量給則萬六千二百六十四頃有奇其追奪
宜千九百餘頃有奇從之
辛卯南京國子司業馮一龍予告

壬辰盜入博羅殺知縣舒顯

甲午福建盜攻平和詔安等縣破崇武所城

倭巢月港叅將王麟擊之海中擒其數苗溺賊三千餘無遺
興化府雨毛

寧德縣洋池水旱紅午赤晚黑凡五旬以器盛之亦然

六朔甲朔起王邦瑞兵部尚書協理京營戎政

戊戌尚書司丞陳謹為南京國子司業

兵部右侍郎魏謙吉入朝道卒贈右副都御史詹子入太學

謙吉狂率不類衣冠士歷官無善狀淫暴若鐵鷓乳虎格至手錐刀乞索

市井人羞言之時屬汚濁卹典隆備

壬寅復設蘭州督餉郎中河州管糧通判從魏謙請也

科給事中羅嘉賓御史龐尚鵬核浙直軍費其文牘灼然

可考督察尚書趙文華侵盜十萬四千計總督周琬二萬七千

計胡宗憲三萬三千計前巡撫阮鶚五萬八千計操江則明史襄

善萬一千計應天巡撫趙忻趙文華任四千七百計操江高捷則明移魏文

華江防銀二千金命罷忻捷趙文華任郭仁削籍惟宗憲功最不問

徐學謨曰東南自兵興以來且亡論督撫大吏即守吏乘

機科罰侵剋何可勝計以是因亂生亂民益不聊生矣時

倭少息而羅龐跡至嚴嵩謂人曰昔王守仁討濠宸之後

何嘗不侵濠幣以有大功故請讓不及也雖其言直護短

文華與宗憲其實事體當如是已上竟置宗憲不問而

以文華候勘真雄略之主哉

甲辰制勅房工部右侍郎張文憲為尚書辦事

唐成逮順天慶都縣知縣張弛入京訊問貪酷削籍

壬子特給大學士李本本生曾祖父母贈典免移贈

乙卯南京禮部尚書孫陞卒陞字志高餘姚人嘉靖乙未進

士及第授編修遷右中允歷祭酒禮吏部侍郎孝友長厚父

燧死寧庶人之難終身不書寫字亦不壽人文被服雅素蓋

篤行君子也年六十贈太子少保謚文恪子鑰鉉鉉俱進

士通顯

虜由古北口入犯薊通順密及都城以北大殺掠先是被擄

人還傳虜聚三十萬住獨石邊外明沙灘謀寇閩南及宣府
總兵官趙國忠帥兵入衛半月虜遂由白羊口出過懷來保
安抵宣府城下呼守陴者曰無恐知爾兵在南所守婦女城
耳且不爾攻我所攻固人人足也時所掠閩南人行竟日不
絕泣聲動地守陴者力不能救是夜虜營于西門外二三里
勞久酣寢城中無一兵劫砦次日虜至萬全右衛由野狐嶺
出塞去白羊口在京城西其北直懷來城路在兩山中山
勢峭立路亦由狹虜逶迤行二日始得達平野方虜入口時
如官兵以數營尾之堵其南以數營邀之堵其北虜隻騎不

得送也而計不及之徒令大得志去智者不能無憾云

七月丑朔虜把都兒犯薊西游擊胡鎮以五百騎出塞破其前鋒
回至河防口力戰諸將皆馮墻禦之遁去

己巳暮上禱雨禁中

庚午陝西行都司山丹等衛地震有聲

大同總兵官劉漢以三千人出塞抵豐州疾擊之斬八十三
級擒七十二人餘衆奔匿豐州直大同右衛自玉林舊城北
經黑河仄河歷三百餘里崇山環合美水草叛人丘富等築
城郭宮殿墾田數千頃接東勝川時俺荅西掠且二年留千

餘人守豐州不耐暑每夏徙帳大青山外故漢襲之焚其宮
殿立富先隨虜去趙全匿墩上叅將麻祿攻墩半墮會虜大
至且戰且卻引還往返凡五日進漢都督同知總督葛縉兵
部右侍郎右僉都御史
己卯戶部左侍郎石永平永威縣人壬辰進士授中書舍人
拜御史歷令官鯁介廉潔終始不渝歿之日家無餘儲

甲申吳川縣地震聲如雷

辛卯唐王宇溫薨謚曰敬王

壬辰右副都御史章煥疏經略中原曰中原之患妖民盜賊

今合為一途此今日之大慮也臣謹上八策增屯兵收梟傷
脩城池察險隘時巡歷選良吏處宗藩議黃河時寇歛水潦
民不堪命多相聚為盜河南人訛傳倭至鳳泗又言開封沒
於河於是林縣睢州皆盜起比知其訛即潛走煥撫河南值
而憂之雖得代仍上章史以為迂慢過矣

八
明午朔加恩贊直諸臣嚴嵩陸炳益祿二百石徐階兼太子
太師李本少傅吳山少保茅瓚袁煒各食二品俸少卿嚴訥
學士董份各禮部右侍郎兼學士世蕃仍兼食尚寶司俸
丁酉胡宗憲獻芝五百白龜二告廟賜金五十金鶴衣一襲

己亥福建叛兵三百餘人攻泰寧破之守備王址千戶戴權
戰死賊趨樂安廣昌走永豐遁去贈址都指揮使權正千戶
戊申望夜月食
乙卯前戶部尚書賈應春卒應春直隸真定人嘉靖癸未進士令
南陽授刑部主事歷撫陝西督三邊慷慨任事鄉稱長者人
咸重之

丁巳吏部右侍郎署詹事府事李璣為南京禮部尚書時推
吏部左侍郎郭朴為南京禮部尚書加太子少保朴辭請撰
玄思劾不願遠離 上嘉之命新銜仍兼翰林學士署詹事

府內直

設興安縣隸江西廣信

戊午巡撫南贛汀漳右副都御史范欽為兵部右侍郎巡撫
雲南右副都御史游居敬為南京戶部右侍郎南京工部尚
書潘恩改刑部尚書

己未禮部左侍郎茅瓚改吏部左侍郎禮部右侍郎袁煒為
左侍郎禮部右侍郎李春芳署翰林院

壬戌裁蘄州領軍同知

貴州巡撫都御史高翀湖廣巡撫都御史陳士賢各劾免

毛澄嗣伏兔伯 毛桓子

太子太保禮部尚書顧可學卒可學無錫人弘治乙丑進士
歷叅議家居十年賄嚴嵩以煉秋石被召至今官僅支俸供
服餌不預政而沾、自得好苞苴請託曾不自媿也賜祭葬
謚榮僖隆慶初奪官

九甲子朔應天府尹鮑道明廣東左布政使楊志伊並為右副
都御史太僕寺少卿劉崧河南右布政使蔣宗魯並為右僉
都御史巡撫道明貴州伊志南贛崧湖廣宗魯雲南
南京右都御史王鈞為南京工部尚書

乙丑逮撫治鄖陽右副都御史谷嶠廷杖削籍嶠陞任迂道
抵家被劾

後府平江伯陳王謨總兵鎮守兩廣

丙寅前延綏巡撫右僉都御史董威薦慶陽知府孫績失實
調南京大理寺卿威莊私狼籍賄嚴氏雖調猶陞也

故巡撫湖廣右副都御史胡績宗卒績宗 人正德戊辰
進士

丁卯大理寺左少卿張雨為右僉都御史撫治鄖陽
己巳工部左侍郎盧勳為南京右都御史

庚午虜寇大同拒門等堡遂犯朔州虜擁衆塞外總兵劉漢
南保應州虜偵其亡備潰墻入

巡撫寧夏右僉都御史霍冀移保定

免順天永平保定河間旱蝗田租

辛未虜犯朔州

壬申夜虜三百餘騎突攻廣武墻不克

甲戌虜南攻山西盤道梁越關大掠山西總兵王懷邦不意

虜遽至佯棄戰馬千餘啖之急引兵自靜樂入太原去虜營

五百里避之

丙子起劉伯躍工部左侍郎山西左布政使謝淮為右副都

御史巡撫寧夏

免太原旱災田租

己卯虜循寇代州而南轉掠五臺崞縣

庚辰金虜突犯米脂俺荅居西海患腫部下疾死遂率衆東

回犯涼州莊浪殺掠甚慘

壬午虜出寧武關北遁去

丁亥岷府南渭王譽播薨王孝友慈儉布衣好書不泥章句
年五十九謚莊順

大風霾

戊子戶部右侍郎劉養正為左侍郎順天府尹劉大賓為戶

部右侍郎

夜月犯軒轅左角星

己丑光祿寺卿黃廷用為工部右侍郎提督大石窩

壬辰免濟寧旱蝗田租

萊州地震聲如雷

玉熙宮成進工部尚書歐陽必進少保餘陞賞有差

開桑乾河通大同運道巡撫大同右副都御史李文進議水

程七百二十七里

虜數千騎入掠土木副總兵茅國忠王孟夏追及於楊家山

虜突出數千騎斷我兵國忠死之孟夏等潰走虜復自洗馬

林入犯蔚州

十朔己朔免延安慶陽旱灾田租

甲午永壽宮成

乙未逮前雲南巡撫右副都御史游居敬入京初令川貴會

勅東川阿堂居敬不俟命發兵五萬南土騷動巡按御史王
大任以聞居敬譴戍

戊戌廬鳳淮陽折漕八萬石

庚子總理河道右副都御史林應亮為南京戶部右侍郎

壬寅諭輔臣景王邸成已數年當令之國於是吏部請備

官僚兵部請選護衛從之
上春秋高景王母妃日侍

上中外疑二王並夜半音下嚴嵩子世蕃言上意未必爾或

以試物情禮部尚書吳山不可嵩召儀制郎中白啓常止尚

書勿上儀注吳山曰天下屬望久矣今奉諭而止脫國本不

定孰任其咎

乙巳起胡植右僉都御史總理河道

丙午復遣刑部右侍郎趙大祐錦衣衛指揮僉事萬文明往

勘伊王以禮科給事中龔情勘上王奏辨謂僉事林騰蛟陷

之故有是命

戊申諭停刑

免真定順德大名廣平旱災田租

辛亥禮刑部郎中李縉高岱為景府左右長史

寧夏副總兵吳微為署都指揮僉事總兵官鎮守山西

山西總兵官王懷邦大同總兵官劉漢並免

壬子封宣圻蜀王倪焯華陰王融焚永福王恒 褒城王朝

均汾西王睦榘原武王憲燾益陽王

南京兵部右侍郎范欽劾免

戊午總督宣大兵部右侍郎葛縉回部應天府尹呂光洵為

南京大理寺卿

湖廣災折漕十萬石

己未中書科舍人劉芬削籍芬清狂不慧或戲曰吏部將推

若長史芬怒往尚書吳鵬叩詬裂冠毀裳事聞下錦衣衛拷送法司

庚申趙王厚煜自經王讀書好禮孝事其祖母妃妃疾為嘗

羹彰德譏請辭祿賑之 上不許招致賓客文酒游宴有淮

南梁孝之風仁柔鮮斷嘗獨宿妃妾不得入前數日侍兒見

王咄口自語如有所恨意其妃與成臯王有陰事外莫知也

是夕宿思訓樓侍兒從寢起捫足見王縊床下大驚呼王妃張

氏入視已絕明日長史李遇言王疾薨府臣哭臨如禮

免彰德衛輝懷慶歸德旱蝗田租

壬戌肅王弼禘鉛山王真靜薨謚曰定王

殺薊遼總督兵部右侍郎王忬戶科左給事中楊允繩忬字

民應太倉人嘉靖癸未進士授行人拜御史按湖廣順天其
按順天禦虜通州功擢右僉都御史治軍餉移撫山東浙福
大同至總督允繩華亭人嘉靖甲辰進士

支大綸曰忤徇恂長者悉心體國通州之役不避死亡盡
策守城以全國儲 帝眷日篤游登樞佐薊州邊備久弛
整頓良艱屢至失律遂干極典蓋 帝固重軍政雖勛戚
不少貸庚戌之警尤惕於衷故二子如世貞世懋皆竭慮
殫力居間百方終不可得華亭乃予罪嚴嵩至方秦檜之
殺武穆是以君子惡居下流

馮時可曰太剛則折楊先生之踣於險途也豈無因然其
清貞方亮高張橫厲則孔門仲由也公自言我目如電能
開不能闔口如決濤能吐不能吞氣有餘也寒暑雖正氣
充則為害故以是立節亦以是賈禍雖然曹蜎李志豈不
偷以全軀顧其氣厭、若泉下人即富貴壽考亦何易先
生
林之盛曰或病楊公氣勃不叶於中和予曰勝指韋語直
不通於條貫予曰勝陰狡大抵剛者無隱私能不粥糲直
者無伏情能不容奸在朝在野俱不可無此人何也在朝

執法而在野東公也雖殺身何憾
談遷曰王中丞坐疆事死非死嚴氏也隆慶初子世貞訟
冤歸獄嚴氏此家訴則然豈定論哉革建節員委任者何
限即論死或冀幸萬一當時以世貞才甚嚴氏殺其父倘
文人少年矜詡之過耶

貴州大霜凝結如花草

十月癸亥朔巡撫大同右副都御史李文進總督宣大山西

甲子械南京糧儲右副都御史章煥以赴任遷延被劾戍邊

卒

丙寅大理寺卿呂光洵為南京右副都御史提督糧儲

戊辰起楊選右僉都御史巡撫大同

丙子免西安旱災田租

戊寅補詹王守仁子正億錦衣衛左副千戶孫承學國子生

己卯工禱雪雷宮

辛巳禮部上景王之國儀注上升殿目送於承天門外

上曰此祖宗時以兄封弟禮父封子亦當如是耶嚴嵩

語尚書吳山上疏留王山不可急請封

乙酉貴州都勻銅仁叛苗平

丙戌秉一真人陶仲文卒仲文湖廣黃岡人幼習祓除之術補邑吏仕遼東海州庫大使歲滿留燕事致一真人邵元節薦之召拜神霄保國宣教高士亡何進真人領道教事歷少師少傅少保禮部尚書勲階光祿大夫柱國兼大學士俸尋食伯祿已封恭誠伯祿千二百石子世恩秉一真人訃聞贈特進光祿大夫謚榮康惠肅

史臣曰仲文無異術徒以符呪小方稱上意驟被恩寵自戊戌以後上不復視朝輔弼大臣皆希得進見獨仲文時被召宣至即賜坐與語稱之為師嘗賚以數萬計又兼領三孤列爵五等幾二十年以富貴終其死也復贈謚賜賻恩眷有加自右方士所未有也

談遷曰方術寵倖本朝如僧繼曉李汝省皆亂法干紀神人交怒仲文蒙恩更出其上而芝檢琅函日陪鶴馭之列未聞竊威福窺嘖咲也從容納牖釋胡縉宗宥屠大山回天轉員不煩累牘投老之日盡納其賜金冠謙之趙歸真不足多也今即以異途斥之則好尚在人主奈何獨罪彼方士哉

丁亥總督薊遼保定兵部尚書許論上宋紫清仙人白玉蟾

真蹟一卷

己丑停巡撫福建右僉都御史劉燾俸以倭陷永春流劫尤
溪大田將樂泰寧建陽歸化新城樂安諸縣
辛卯除雲南巡撫督理軍務

八寨猺賊夜入廉州劫庫殺人

十辰壬辰朔密雲管糧戶部郎中劉廓與兵備副使張子順交

訐各下錦衣衛失實俱削籍

癸巳泰寧衛叛夷果力箇屢導虜入寇至是巡撫都御史侯
汝諒詔之入市伏甲擒之并黨四十餘人事聞伏誅

丁酉祈雪

己亥賑京師貧民

壬寅錦衣衛太保兼少傅左都督陸炳卒炳字文孚平湖人

祖墀隸錦衣衛從獻王安陸克儀衛司總旗子松從龍功

累官都督僉事炳其子也由嘉靖壬申武舉授署所鎮撫進

副千戶積功至指揮僉事己亥上南巡至衛輝行宮夜火

負上出識其姓名秘之即拜都指揮署衛事至今官沉驚

健武曉書數好個儻畫策緹校多長安大豪一當意即得驟

貴故其下多效死力以阱夏言仇鸞故善嚴氏薦入西苑供

奉青詞與嚴氏頗攬文武選權諸曹事多闕白而後行朝士
輻輳性喜調察多布耳目即酒食過犯之立碎杖殺兵馬
指揮其御史劾奏之不報中貴李廣李彬故領東廠偶微忤
即先後論刺其罪論籍浮慕士大夫問遺造請不吝千萬故
終身無他累嘗請慶壽寺址為緹騎營募技力至七千人
莫測其指會考軍政錦衣見本兵故有禮炳特寵素驕蹇楊
博稍色抑之炳慚恚一夕飲後痰疾死年五十一上深悼
之手詔稱其發逆盡忠贈忠誠伯謚武惠祭十三壇子懌授
錦衣指揮僉事

王世貞曰陸氏始由裨校拔起主緹騎其敏銳有以結主
知而威衆耳目內閣大臣咸有連既屢起大獄中外咸重
足而立側目而起凡吏兵之黜陟戶工之出納刑曹之讞
比咸取咨決給事御史半由其門進矣可畏哉
支大綸曰陶仲文得幸華亭不敢言及易世乃褫其爵陸
炳得幸華亭以女女其子後女殤絕交亦俟易世乃籍其
家昔人譏懦夫不敢櫻生虎徒搏死虎耳嗟子奸權亂政
必俟數年後乃敢拾朽骨而搏之希寵畏勢貪生負死將
焉用彼相哉

談遷曰昔丙吉不言保護之功宣帝自能明之則示德者
彌為淺矣陸炳負上出狂炎烈焰間功無與二向使少
泄將置上何地故帝終不言但終始厚之炳亦不敢
自白終始恩過君臣所以相全也炳雖猾賊而才能當人
緩急其干預朝政亦時宰婪濁得釀致之設賢輔在事炳
方效環衛之不暇敢旁攬乎哉

癸卯後府左都督朱希孝署錦衣衛事提督東司房
壬子翰林編修趙祖鵬調湖廣按察僉事祖鵬女妻陸炳藉
為奸利士論耻之至是外補

復杭州捕盜水利通判駐塘棲

癸丑監生廣德蔡如蘭授衛鎮撫子啓元贈太僕寺丞俱

從胡宗憲軍中己未八月啓元逐倭奉化之南渡橋戰死

甲寅曉刻火星犯鉤鈐大星

乙卯前大理寺卿胡叔廉卒叔廉新淦人

丙辰大雪表賀

大風霾

虜入遼東海州東勝堡南趨耀州堡轉掠海蓋大殺掠總兵楊照禦之把總李元勳兵先進夜襲虜斬五十級元勳死之戊午巡撫陝西右副都御史程軌巡按御史李秋獻白鹿靈芝告太廟

大同立兵車七營車一輛隊卒四十人合十三隊為小營合十小營為大營皆俞大猷規畫

俺荅嘗掠大同妓桃花妓誘其第七妾來奔邊臣納之嚴嵩不以聞寔詔獄別室俺荅以兵脅我遂佯棄塞外見殺

辛酉嘉靖四十年

正月戊朔上不朝

丙寅虜萬餘騎踏水渡河掠五花營守備王世臣千戶李彪等戰於冰橋死之虜遁

戊子賑順德永平河間保定

增薊鎮撫賞銀

倭犯寧德知縣番禹李堯卿與叅將王夢麟歃血盟衆有進逃遁之策策者立斬之攻三日城陷皆死之

二朔卯朔日食是日微陰或見或不見天官言日食不見即同不食上悅嚴嵩在直廬趣禮部尚書吳山表賀山率百官

護日報 上不悅責禮科都給事中李東華等不言東華等
引罪當謝玄 上以不稱賀而言謝玄何巧也東華任俸餘
奪半年嚴嵩謂部臣罪不宜專責官改罰東華俸兩月餘宥
之吳山記罪
賑山東粟五萬石

南贛叛兵馮天爵等平

壬辰械彰德知府傅汝礪通判田時雨入京論汝礪戍邊斬
時雨於河南去年六月洛川王翊銘奴爭於民時雨撻其奴
翊銘訴之趙王時雨不為屈論奴戍十月湯陰王府奉國將軍厚

燭厚燬求歲祿汝礪未與囚其奴趙王遣厚燭求釋辭焉見
時雨復語侵之是夕王暴薨外議言禍起宮闈跡且及成臯
王載坻王懼乃與長史李遇等報自經歸咎汝礪時雨威迫
故下法司論如律李遇等咸罰有差時雨未嘗忤王王亦不
恚汝礪時論冤之

丁酉甘肅山丹衛地震有聲

辛丑太子少保左都御史周延卒延吉水人嘉靖癸未進士

授知縣拜兵科給事中言事請判官遷南京考功郎中歷廣
東左布政使最久贊平安南擢撫應天至今官峭直清介居

官執法不矯、聲跡默持廉節贈太子太保謚簡肅

丁未 景王之國發京師

已酉諭嚴邊備

內載賊外

庚戌罷太子賓客吏部左侍郎茅璿、足疾久希放卜不欲去諭閣臣放歸太子賓客禮部左侍郎袁煒改吏部左侍郎

壬子巡撫河南都御史張永明為南京刑部右侍郎

癸丑代府奉國將軍聰浸等言宗祿積逋臣數日一食艱難萬狀有年踰三十不婚暴露十年不葬或行乞市井或傭作民間或派移他鄉或饑死道路名雖宗室苦甚窮民請有司

催補逋祿使父母妻子得沾一飽冒罪亦所甘心 上憫之

下山西撫按覈貧宗

甲寅嚴訥為禮部左侍郎李春芳添注吏部左侍郎董份署翰林院並特旨

南京禮部右侍郎康太和為南京工部尚書

三 胡戌發粟萬二千石賑都民

癸亥督工工部尚書雷禮回部仍兼提督南京工部右侍郎林庭機為南京禮部右侍郎

刑部左侍郎趙大祐錦衣衛指揮僉事萬文明等按報伊王

典橫不法攘人妻女至四百餘口奪民廬舍至三千餘誑脅
人財至三萬餘金晝閉河南府大選民女十二歲以上七百
餘留其姝麗者九十人不留者令具金贖厭惡者委投圈虎
府第三磚城重門紅鋪作清和鴛鴦騰光殿百花堂乘風御
氣閣僭擬不道下廷議令壞僭城歸奪女出群小人付有司
悛改

廣東惠潮山盜黃啓薦等衆數千人深劫海豐碣石歸善破
甲子門千戶所殺百戶魏祚命勦之

追論羊房堡鎮羌堡失事逮前宣府叅將雷龍等十六人大

同叅將王臣等二十一人永安堡百戶葉承勛等五人下按
臣論罪

辛未南京錦衣衛指揮徐維勳獻白兔告太廟

乙亥命順天尹禱雨

罷禮部尚書吳山及太子太保吏部尚書吳鵬嚴嵩度山失
上意諷吏科都給事中梁夢龍劾山剛愎并鵬示其公工
初無意去鵬以山故令鵬致仕山去後上嘗念之語嵩曰
吳山今安在山遂忘朕耶

徐學謨曰孔子云為臣不易信此言也疑莫如肅皇帝

之世蓋上在位日久揣知人情裕盪故數持英斷搏下
即近侍大臣觸之無少貸者而尤所注憐則始怙其寵而
終負其德者也龍阿雖利要以逆氣櫻之爾若公於請封
護日二事豈所謂勿欺而犯之者耶苦口之施即儕猶哂
况君臣之際哉宜其始間於讒而終以執禮見諒他日猶
厘詔問上不即棄群臣尚書召公異乎漢武之踈汲淮
陽矣

吏部左侍郎袁煒為禮部尚書進太子太保
丙子金星晝見甲申沒

丁丑作萬春宮

戊寅少保兼太子太保左都御史歐陽必進為吏部尚書
上嘆必進嚴嵩曰臣老矣恃此人執政而後快允之

辛巳禮部尚書袁煒直西苑供捧元修

壬午製大祀衮冕皮弁

甲申雨群臣表賀

成臯王載堦攝府趙事

涼州副總兵呂經為署都督僉事總兵官鎮守甘肅

南京兵部尚書江東以寬懦被劾戒諭坐營都督徐珏改南

京右府僉事進浙直副總兵劉顯署都督僉事提督振武營
以私卒五百人往

乙酉延綏總兵官李輔劾免

丙戌左春坊左諭德兼侍讀陳陞為侍讀學士署翰林院
丁亥刑部尚書潘恩改左都御史大理寺卿葉鏗為刑部右

侍郎南京太常寺卿全元三為南京工部右侍郎

戊子保定總兵都督僉事孫勇移延綏

四 辛卯前工部尚書劉麟卒麟南京洋廣衛人弘治丙辰進士
劾壽寧侯張鶴齡歷刑部郎中守紹興忤劉瑾罷紹興人立

小劉祠配漢劉寵也起守西安擢陝西叅政雲南按察使嘉
靖初太僕卿進撫真定至前官寓長興三十餘年鍵戶觴咏
若布素然年八十七贈太子太保謚清惠

李默曰坦上翁自為郡守至大卿數棄官以去朝廷慮不
時起輒以右職徵之國家獲尊賢之名士大夫屬恬退之
節莫不歌咏盛美蓋見素林公俊以來所希覩也晚節齟
齟膏屯未施豈不惜哉默以為翁摛文似公幹治財如士
安剛介不撓似器之至於廉約省素家無貨積位列三事
以功名始終此與東牟劉祖榮何以異哉世稱二劉不其

然乎

壬辰都人饑疫賑粥藥

癸巳大風霾興化府雨毛雨絲

遼東總兵官楊照巡撫右僉都御史侯汝諒相許免

甲午吏部右侍郎馮天馭為刑部尚書右僉都御史邢尚簡

為大理青鄉南京太常寺少卿王材為南京太常寺卿

乙未大理寺丞吉澄為右僉都御史巡撫遼東居庸關總兵

官署都督僉事雲冒移遼東神樞營副將署都督僉事祝瓠

為總兵鎮保定

戊戌總理河道右僉都御史胡植回院

己亥宮人傅氏薨追封常嬪

庚子南贛招撫新民葉槐作亂圍安遠縣岑岡舊盜李文彪

圍龍南縣各不下萬餘人

辛丑五軍營副將署都督僉事何涯為總兵官鎮守居庸昌

平

旌故蠻夷長官司副長官田菑及其子耕樹忠義坊於所居菑征倭

死子復仇有功

虜入延綏殺繕卒三千人

丁未總督漕運右副都御史何遷為南京刑部右侍郎光祿寺卿孫植為右僉都御史總理河道

庚戌常嬭張氏薨

辛亥安鄉伯張鐸卒

初賊百餘艘入浙海中官兵適至馬壘河蛟賊惶遽奔陸把總章延廩設伏舟山約水兵合擊賊大敗又登劫周洋港胡宗憲曰賊分侵以牽我而我分擊則墮其計宜併力合勢先其重大賊軍松門寧海告急兵備僉事唐堯佐曰賊睥睨台州先發寧海直以走我兵耳乃留一軍海門令叅將戚繼光

居中為應兵既出賊果大至

癸丑賊趨新河唐堯佐破之城下餘黨夜遁明日及之溫嶺又破之而海賊以繼光來悉遁去賊他部復徧台州繼光自桐岩趨台遇賊花街敗之又及於瓜陵皆自沉死

丁巳右僉都御史胡植為右副都御史總督漕運

己未圻頭賊焚舟起擁衆趨台州戚繼光馳救誓師曰毋掠輜重毋尚首功毋輕殺首功其以前驅者連逐賊盡而剽賊首畢以獻、五百級予前驅者千金七百倍之千又倍之破賊後所獲輜重徧賜軍中若賊未破而爭取財者罪死又立

一白幟凡脅從者空手伏幟下

五廟申朔叅將戚繼光軍於大田賊退屯大田東會雨甚賊由間道徑往仙居戚繼光曰賊出中渡至白水洋七十里我兵由徑路至洋五十里兵法曰先處戰地而待敵者逸策馬行四十里探賊率衆伏上風嶺次日兵出頗早令入各砍一松執而坐賊望見意為林木俟其行半乃齊呼躍出賊駭走山上我兵乘之賊走墮坑塹者不計餘奔白水洋居民火攻之賊且盡蓋浙兵自譚綸後多敢力戰深入之士故累年無倭跡或時有候者到而希矣

癸亥定京官有司官不得援納

乙丑巡撫保定右僉都御史霍冀回院

湖州大雨水無禾

癸酉青浦佘山涌九蛟水丈餘成河

甲戌 景王至德安

乙亥旌慶王肅枋賢行

岷府南豐王彥激薨

裁淮揚督軍巡撫仍漕臣兼之總督漕運右副都御史胡植兼提督軍務巡撫鳳陽

少傅兼太子太傅禮部尚書武英殿大學士李本夏去

東川叛夷阿堂為其營長阿易所殺子阿哲就擒年八歲貴州宣慰使安萬銓藏東川府印以府經歷印畀故土知府祿位妻寧著攝府事照磨印畀羅雄土官者濬留水西兵三千人護東川萬銓本水西土官議者謂萬銓欲陰據東川也

刑科給事中侯廷柱湖廣道監察御史裴天祐核各衙門軍

匠厨役

丁丑監察御史唐繼祿以旱糶乞脩省從之令京堂官自陳并察京官致仕請降閑住戶部左侍郎劉養正工部右侍郎

劉學易制勅房辦事工部尚書張文憲署鴻臚事寺通政使

吳祖乾署太醫院事通政使張鑾各勒免

己卯河南右布政使毛愷為右僉都御史巡撫保定

壬午考察朝臣降斥六十七人

丙戌罷南京兵部尚書江東時池河新營兵變縛英武衛千

戶吳欽事聞東被劾

戶部左侍郎傅頤漕運右副都御史胡植巡撫山西右副都

御史孟淮巡撫甘肅右僉都御史胡汝霖尚寶司卿白啓常

翰林侍讀張春俱調南京改官

勅兩廣南贛福建會討饒平盜張璉故廣東猾胥盜帑敗
入賊偽刻飛龍傳國之寶投池中漁出之衆驚異大埔盜蕭
晚林朝美等推璉為長自號飛龍人主封曉等為王據詔安
和平使晚據木窖林贊據南靖呂細斷汀漳道楊舜羅袍絕
永定連城王伯宣入倭道倭犯潮韶牽我師粵東大震
戊子兵部左侍郎李遂為南京兵部尚書戶部 侍郎黃光
昇為工部左侍郎提督大石寫順天府尹萬宗為大理寺卿
己丑前巡撫宣府右僉都御史李良卒
閏五月庚寅朔萊州地震

壬辰太僕寺卿查秉彝為順天府尹

定五城兵馬司每歲終巡視御史舉劾

癸巳南京戶部右侍郎林應亮改戶部右侍郎總督倉場督

理西苑農事提督操江右僉都御史喻時改巡撫山西前南

京太僕少卿戴才為右僉都御史巡撫甘肅山西右布政使

楊宗氣為右副都御史總督漕運巡撫鳳陽

甲午前南京兵部尚書屠楷卒楷廣西臨桂人嘉靖癸未進士授

兵部主事改吏部歷郎中贛黃通政至前官孤立寡交然亦無

忤鮮嗜好居第僅避風雨杜門讀書年七十二贈太子少保

謚恭簡

丙申兵部右侍郎葛縉為左侍郎總督陝西三邊右副都御史

郭乾為兵部右侍郎南京大理寺卿董威為右副都御史總

督湖廣川貴軍務撫治鄖陽右僉都御史張雨巡撫湖廣

戊戌大學士嚴嵩妻歐陽氏卒子世蕃不欲歸嵩言臣子獨

世蕃乞侍養令孫鵠護喪而南

乙巳裁陝西岷州地極西民夷雜居增設鞏昌通判鎮之

順天府尹查秉彝卒

丁未吉王載均薨謚曰端王

南京光祿寺卿黃養蒙為南京戶部右侍郎湖廣左布政使

汪球為右副都御史撫治鄖陽山西左布政使萬虞愷為南

京右僉都御史提督操江前兵部右侍郎張臬為南京大理

寺卿

戊申巡撫陝西右副都御史程軌總督陝西三邊軍務

甲寅張臬為兵部右侍郎兼右僉都御史提督兩廣軍務河

南右布政使裴紳為右僉都御史巡撫陝西

乙卯深盜犯江西泰和殺按察副使汪一中指揮王應鵬千

戶唐鼎執僉事王應時贖歸時盜自光澤寧化突窺新城廣

昌轉掠萬安泰和

汪道昆曰昔周節愍死華林賊公後節愍五十年同地同

官同以閏五月二十六日死節愍有子忠愍有妻殉難相

從則又同歸於節孝大較舉相若也

丁巳歸德地震

戊午調孟淮應天府尹胡植南京光祿寺卿

四川榮山土舍張閻韓甸等糾生苗掠湖廣總兵石邦憲等

討之斬百餘人閻潛出被擒我軍乘勝入甸巢會雨迷失道守備

葉勛百戶魏國相等中伏死

六庚申巡撫貴州右副都御史鮑道明為南京大理寺卿

辛酉翰林脩撰唐汝楫直裕王講官

庚午前總督陝西兵部右侍郎兼右僉都御史王夢弼卒

辛未唐府衛輝王宇漳薨謚端順

壬申太原大同榆林寧夏固原地震有聲寧固尤甚壞城舍

斃人亡筭地裂涌水蘭州莊浪天鼓鳴

癸酉望夜月食

甲戌兵部職方主事許汝驥闕補薊鎮軍士

丁丑翰林脩撰唐汝楫為右春坊右諭德

南京戶部尚書劉采工部右侍郎全元立自陳罷右通政蔡
梁降

己卯南京太僕寺卿趙鉞為右僉都御史巡撫貴州

壬午夏時王治范宗賢李遂禮周舜岳為給事中吳守伍行

郝杰鄒應龍楊柏顏鯨史官尹校申佐鄭洛孫夢勇為試監

察御史遂禮官校俱南京

屬夷史大史二來降初導黃台吉犯永寧龍門間以淫虐去

之邊臣疑其詐遂斬黃商部夷十餘級以獻受之賜衣幣

甲申總督薊遼尚書許論以侵費劾免

丙戌裁濟南兗州料價通判

作仁和宮

丁亥刑部尚書馮天馭劾免

巡撫大同右僉都御史楊選為右副都御史總督薊遼保定

軍務

戊子提督大石窩工部右侍郎黃光昇為南京戶部尚書

大同總兵劉漢出塞搗虜追戰我軍蹙入黑河巡撫楊選

總督李文進報捷巡按御史董學劾漢失事奪漢俸

七月丑朔日食一分五秒例免救禮部尚書袁煒言臣聞唐一

行曰日君道也無耻魄之變古之太平日有不食或月變行而避之或五星潛在其下禦侮而救之或涉交數淺或在陽曆陽或陰微或德之未休明而有小眚焉則天為之隱雖交而不食此四者皆德教之所由生也 皇上父事天兄事日群陰退伏萬象輝華與不暇同 上悅

癸巳南京刑部尚書蔡雲程為刑部尚書巡撫山東右副都御史朱衡為工部右侍郎山西按察使陳其學為右僉都御史巡撫大同 裁青村南淮二所把總

甲午右諭德兼侍讀吳情侍讀胡杰主試應天

巳亥南贛巡撫右副都御史楊志伊失事免江西巡撫張元冲暫加兼理軍務討賊總督尚書胡宗憲兼節制江西發兵應援贈汪一中光祿寺卿廕錦衣百戶

壬寅盜入玉山

南京右副都御史盧勳為南京刑部尚書山東左政使謝東山為右副都御史巡撫山東江西左布政使陸穩為右副都御史提督南贛汀漳軍務

湖廣鎮筸叅將署都指揮僉事俞大猷移鎮南贛

乙巳萬春宮成

庚戌虜犯宣府分數道入副總兵馬芳拒卻之斬十一級擒

十四人

辛亥裁蘇松練兵同知改海防同知兼水利

壬子刑部左侍郎趙大佑為南京右都御史江西左布政使

胡松為右副都御史巡撫江西

八月未苑田獻瑞穀於太廟羣臣疏賀

壬戌南京監察御史林潤劾總理鹽法左副都御史鄒懋卿貪黷五罪不問兩淮額六十萬驟益百萬勢張甚妻綵輿從

行長吏伏謁至文錦飾厨白金飾溺器厨傳供張甚侈行部

淳安知縣海瑞抗言邑僻不能容軒車懋卿怒甚然素聞其

強項歛威去慈谿知縣霍與瑕亦清鯁不詘俱中之落職

甲子司經局洗馬兼翰林侍讀裴宇侍讀胡正蒙主試順天

辛未金星晝見

諭閣臣語楊博備虜博工守禦機宜命即行之

庚辰饒州賊陷南靖縣

乙酉總督湖廣川貴右副都御史董威拾遺調外

前總督糧儲右副都御史毛思義卒

前太子少保署詹事府事禮部尚書孫承恩卒承恩華亭人
正德辛未進士館選授編脩使安南進左中允歷侍讀學士
少詹事至前官年八十一卒有遺表所著使交紀行稿使鄂
稿百像贊灤溪草堂全集贈太子太保謚文簡

九 戊子朔太原知府於惟一廉潔前歲虜患總兵王懷邦縱掠
蠶掠者驅城外懷邦失事屬勘惟一持之堅巡撫孟淮以私
請不聽遂劾惟一士民大譁晉王跡留雜封啓以進 工不

悅戒諭之惟一竟去任太原人如失怙恃

張璉破南靖縣

己丑逮江西福建都指揮王端張啓謨俱通賊敗事

癸巳總理鹽法左副都御史馮懋卿奏派各運司殘鹽得百
萬金有奇

廣寧把總指揮吳庶千戶卽松以二百人護經歷王鑰魯亨
解銀至海州新臺值虜死之

甲午勅岷王定燿約束宗儀王言宗人染蠻風不習禮義乞
降勅從事

己亥福建山盜陷鎮海衛

庚子兵部郎中許汝驥還自薊鎮言土兵不練巡撫張玘鑄一級調外總兵官張承勛下御史逮繫

虜六萬餘騎犯居庸岔道口官軍禦之前總兵官姜應熊先

進圍於南溝創甚叅將胡鎮力戰奪應熊以歸虜遁

辛丑蘇松常鎮杭嘉湖大^{七府}水停秋租折漕仍賑之

提督京城巡捕署都督僉事李琦為總兵官鎮守寧夏

甲辰刑部右侍郎葉鏜為左副都御史馮懋卿為刑部右侍

郎提督南京糧儲右副都御史呂光洵為南京工部右侍郎

巡撫四川右副都御史羅崇奎總督湖廣川貴軍務

封翊鎮吉世子攝府事年八歲

神機營副將署都督僉事孫臍為總兵官鎮守薊州永平海

進胡宗憲少保戚繼光都督僉事義烏知縣趙大河為按察

僉事專練土兵

丁未太僕寺少卿徐紳為右僉都御史

己酉前南京戶部尚書盧紳卒紳字^{陝西}咸寧人嘉靖癸未

進士會遂寧進工部主事歷郎中按察副使卒前官誠懇敦

行居官雖無顯聲去後恒見思其孝友恭儉秦人式之

南京操江右僉都御史萬虞愷為右副都御史巡撫應天河
南左布政使雷賀為右副都御史巡撫四州
採木事竣詔總督湖廣川貴右副都御史李憲卿工部郎中
李祐張國珍並還朝憲卿初言臣督郎中張國珍李祐副使
張正和盧孝達所部叅政游震得副使周鎬僉事于錦先後
復深入永順卯桐棧梭江叅政徐需僉事崔都入容美副使
黃宗器入施州金尚叅政靳學顏入永寧迤東蘭州儒溪副
使劉斯潔入黎州天全建昌董策入烏蒙叅議繆文龍入播
州貞州酉陽僉事吳仲禮入永寧迤西落洪班鳩井鎮雄程
嗣功入龍州叅政張定入銅仁省溪叅議汪重光入赤水猴
尚僉事顧柄入思南潮底汪集入永寧順崖而湖廣巡撫都
御史趙炳然御史吳百朋各先後親歷荆岳辰常四川巡撫
都御史黃光昇歷叙馬重夔御史郭民敬歷邛雅貴州貴州
巡撫都御史高珣歷思石鎮黎御史朱賢歷永寧赤水臣自
趨涪州六月上瀘叙巨材所生必於深林窮壑崇崗絕箐人
跡不到之地經數百年而後至合抱昔尚書采禮及近時尚
書樊繼祖侍郎潘鑑採得逾尋丈者數株今三省所採視前
亦已超絕第所派長巨非常圍員難合望勅部量材酌用凡

得木萬一千二百八十大匠徐杲善規合法始勝任
歸有光曰大抵荆楚雖廣山木少採且險遠必俟雨水而
出而施州石坡亂灘迂回千里貴陽窮險山嶺深峭由川
辰大河以達城陵磯蜀山懸隔千里排岩批谷灘急漩險
經時歷月始達會河而吏民冒犯瘴毒林木蒙龍與虺蛇
虎豹錯行萬人邪許摧軋崩岬鳥獸哀鳴震天吸地蓋出
入百蠻之中窮南紀之地其艱如此昔稱雍州南山檀栢
而天水隴西多材木故叢臺阿房建章朝陽之作皆因其
所有金元氏營汴新宮採青峰山巨木猶以為漢唐之所
不能致憲卿乃獲之山童木遁之時發天地之藏助成國
家億萬年之丕圖其勤至矣

漕運叅將馬陽輝為署都督僉事提督京城巡捕

壬子李邦義陳瓚林命陸鳳儀為給事中韓君恩陳萬言張
士佩成守節熊迥為試監察御史鳳儀士佩並南京

免保定河間真定順德廣平大名旱災田租

丙辰採木都御史李憲卿回院南京大理右寺丞閻東為南京右僉都御

史提督操江

大同零虜出沒總兵劉漢令平虜城守備劉晉臣追之被執

十朝酉嚴登萊海禁

宗室越關入京者禁給驛令順天尹解回

壬戌山西副總兵都督僉事馬芳進左都督

丁卯閩廣盜自邵武轉掠鉛山貴溪叅將戚繼光擊破之擒

斬六百人走建寧還陷宜黃南贛兵敗之始遁

戊辰總督薊遼楊選進兵部右侍郎

庚午起守制浙江按察副使譚綸領浙兵即湖廣討賊御史

段顧言協計用兵

甲戌巡撫宣府右僉都御史遲鳳翔會虐被劾逮入京起前

操江右僉都御史趙孔昭巡撫宣府

禮科都給事中丘岳劾應天考官右春坊右諭德吳情試錄

刊後屢改翰林侍讀胡杰失救正謫情廣東市舶司提舉杰

廣平通判

丁丑封宙林唐王宣址江安王真鈺永慶王俊居溧陽王勤

燭魯山王朝朔脩武王表楠寧河王弼幹鉛山王理封永年

王胤初清源王載壕永壽王珂播方城王厚燭棗陽王載燧

盟津王載坡上蔡王多煥安樂王鴈鏞靈丘王

定內府工役萬七千一百七十人錦衣衛萬六千四百人光

祿寺三千六百人太常寺千一百人

癸未淮王厚燾獻鄱湖白鴈告太廟

丙戌罷戶部左右侍郎劉大賓趙貞吉時稽邊餉推右僉都

御史霍冀兵科都給事中張益劾其避事

宣府副總兵左都督馬芳為總兵官鎮守宣府

巡按直隸監察御史黃紀劾黃花鎮守備太監紀陽貪殘不

法內鎮盡革獨留黃花鎮宜裁去從之逮陽詔獄陽誣紀索

賄并逮紀面質調大理寺評事守備不復補

十 丁亥朔起趙炳然右僉都御史

選薊鎮標兵

壽光閣清熙殿成

甲午太子少保禮部尚書袁煒進太子太保戶部尚書兼武

英殿大學士直閣

戊戌曹文炳嗣豐潤伯

庚子太子少保禮部尚書兼翰林學士署詹事府事郭朴回

部罷太子太保吏部尚書歐陽必進改朴吏部尚書兼官如

故時推朴及南京禮部尚書李璣任禮部 上責必進等撰

玄諸臣久不擅改茲擬朴何也必進等謝咎勒致仕嚴世蕃

猶誇於人曰用必進 上無若我何棄必進我亦無若 上

何

大同總兵劉漢罷

辛丑告郊廟社稷禱雪

癸卯順天府尹呂時中為戶部右侍郎總督倉場督理西苑

農事

庚戌虜二萬餘騎犯陝西寧夏螺山城柱泉小鹽池薄固原

循下馬関而西殺掠數日始遁

叛人邱富率虜攻榆坡不克中丞矢死

總督陝西程軌防秋令陝西總兵曹世忠中軍金谿以平總

王節把總陳源殿 虜襲陳源源率壯士五百人力戰世忠

走保老鼠窰軌走保花馬池王節登塞垣南奔源遂戰死軌

等棄弗援冬夜凍僵率相覆而死虜遂東掠安邊定邊西至

螺山焚掠慶王園圍軌井世忠令未被掠諸城堡焚積聚畜

牧皆困斃全陝大震

前右都督姜應熊為副總兵協守宣府

福建巡撫都御史劉燾以盜熾調外

辛亥夜西苑萬壽宮災乘輿服御及先世寶物盡燬禮部請

頒詔脩省以非正朝不許工暫御玉熙宮
甲寅總理河道右僉都御史孫植為南京大理寺卿福建右
布政使游震得為右僉都御史巡撫福建

十辰丙辰朔告郊廟社稷以宮災是日御馬廐既火

丁巳工部尚書雷禮言玉熙宮湫隘請及時脩萬壽宮上
是之嚴嵩以大朝殿方急懼繁費欲上還大內則不敢乃

請徙南城之離宮南城英宗故稱太上皇時所居也

上問徐階為規畫營萬壽宮甚詳三殿有餘材其小而
中程者可當萬壽宮且省費而力易上大悅專責雷禮提

督階子尚寶司丞璠兼工部主事同閱視

丙寅虜犯遼東陷蓋州熊岳驛殺指揮楊世武等總兵官雲
冒免

丁卯大理寺左少卿王士翹為右僉都御史總理河道

前南京工部尚書王學益卒學益^{江西}安福人嘉靖己丑進士授

工部主事歷兵部郎中福建副使應天丞撫貴州平苗雖被
劾削籍後論功起故秩至前官

戊辰協理戎政兵部尚書王邦瑞卒邦瑞字^{河南}宜陽人正

德丁丑進士館選坐藩戚出守廣德歷南京吏部郎中陝西

提學僉事至兵部右侍郎庚戌虜變提督團營定三大營進
尚書以仇鸞陰中奪官十年起今任嚴毅有執器識甚偉筮
仕四十年所至有建立其廉節尤著贈太子少保謚襄毅
己巳張鉉嗣安鄉伯張鐸弟

庚午免承天水災田租

辛未南京振武營都指揮僉事吳英為署都督僉事總兵官

鎮守遼東

故江西副使汪一中既陣亡妻宜人程氏絕粒死贈淑人三祠樹坊

旌之

壬申 上禱雪凝道軒

癸酉錦衣衛左都督朱希孝直西苑仍率官校衛大玄都及

西安門兵部左侍郎葛縉亦率營兵入衛鎮遠侯顧寰援縉

例入衛時 上復自玉熙徙玄都殿闡京師多盜意大營兵

入衛徐階謂外兵衛宮禁非便請緹卒衛玄都而營兵列宮

城外報可

陝西總督右副都御史程軌延綏總兵官孫勇失事免官

丙子起江東太子少保兵部尚書協理京營戎政

丁丑提督南贛汀漳右副都御史陸穩以內地兵易逃亡請

郡縣徵直募邊兵報可

充用

兵部尚書楊博以五軍營叅將尹秉衡選萬二千人戍居庸鎮邊上諭俟警乃發

南京振武營都督劉顯領蜀卒勦江西盜停其闕不補已卯脩萬壽宮

總督漕運右副都御史喻時總督陝西三邊軍務

辛巳刻故禮部尚書胡濙衛生易簡方

故府檢校劉秉仁贈太僕寺丞

徵點蒼石屏五十於大理巡撫右僉都御史蔣宗魯奏罷之

景王復上書請荊州沙市得旨民間洵思遁承奉某來索

地知府徐學謨酒之仲宣樓上承奉指沙市地笑曰賴天

子之靈此為安陸湯沐矣學謨曰沙市因王土天子不即

賜大邦而令有司勘給則有司事也祖制親藩自歲祿外不

侵民業即有請亦甌脫餘澤耳未有籍編氓析稅壤以自肥

者夫荆依沙市稱郡無沙市是無荆也置守謂何璫語塞學

謨許歲輸租五百金巡撫張雨竟判輸租二千

卷之四